



Nur Aqilah (tengah) meraikan kejayaan di Bangi, semalam.

SUKIPT

Aqilah, Alif panah emas recurve

Bangi: Nur Aqilah Yusof membuktikan kejituan dalam acara recurve individu wanita pusingan kelayakan biarpun tampil buat kali pertama di Kejohanan Sukan Institusi Pendidikan Tinggi (SUKIPT) mewakili Universiti Teknologi Mara (UiTM).

Aqilah mencatatkan 581 panahan sekali gus memenangi pingat emas, menewaskan pemanah dari Universiti Putra Malaysia (UPM), Ang Ming Shan selaku pemenang perak sementara Shaerra Ezzaty Saffuan dari Universiti Sultan Zai-

nal Abidin (UNISZA) meraih gangsa.

Rasa berdebar

“Ini kali pertama saya menyertai SUKIPT dan saya agak berdebar kerana menerima saingan hebat daripada pemanah universiti lain. Angin agak kuat pada hari ini tapi alhamdulillah saya dapat membiasakan diri dengannya.

“Selepas ini saya akan terus berusaha agar dapat mewakili negara ke Sukan Universiti ASEAN (AUG) pula,” kata Aqilah ketika ditemui di Sta-

KEPUTUSAN

Recurve lelaki

Emas: **Mohd Alif Adha Hassan (UPM), 614**

Perak: **Mohamad Amir Imran Abdul Manaf (KKMAS), 612**

Gangsa: **Nazir Omar (UPM), 606**

Recurve wanita

Emas: **Nur Aqilah Yusof (UiTM), 581**

Perak: **Ang Ming Shan (UPM), 568**

Gangsa: **Shaerra Ezzaty Saffuan (UNISZA), 568**

dium Pavillion, Universiti Kebangsaan Malaysia (UKM), semalam.

Sementara itu, Mohd Alif Adha Hassan dari Universiti Putra Malaysia (UPM) memenangi emas acara recurve individu lelaki dengan catatan 614 mata, perak milik Mohamad Amir Imran Abdul Manaf dari Kolej Komuniti Malaysia (612) manakala gangsa milik Nazir Omar dari UPM (606).

Sukan memanah menawarkan 14 pingat emas secara keseluruhan di kejohanan SUKIPT kali ini. Oleh Mohd Khairie Khalid